

退

補

齋

詩

存

退補齋詩存目錄

卷十五

今體詩

辛未元旦咏雪柬白英鹿仙二公

元夕次日手足復麻屢荷故人存問作此誌謝東

白英鹿仙漁帆諸公

讀擊鉢吟七集率賦絕句上郭遠堂中丞 六首

人日懷竹溪家兄代柬卻寄 二首

示五弟錦齋 二首

通雅言不目金考一三  
藏板

和彭漁叟咏牡丹原韻 二首

和幹臣軍門咏白牡丹黑牡丹原韻 二首

和何丈白英催開詩杜原韻 二首

小園藤花初開招同人小飲並索和章 二首

何丈白英以詩枉謝芍藥玉簪兩花之贈即次原

韻奉和

謝同人預祝五十初度並索和章 二首

春杪泛舟漢陽即景 鷓鴣洲 晴川閣 月湖  
北門渡 龍王廟 米廠

南岸  
沙包

彭佩雙明府需次江南已十餘載今自白下來鄂

一宿遂行作此贈別

三首

和白英贈漁叟立夏後卽景原韻

懷竹溪家兄之病仍疊前韻

和何丈白英

萬壽宮慶祝禮成感遇述懷原唱再疊前韻

白英觀察錄漁叟詩見示三疊前韻奉和卽簡漁

叟

和詩甫就又讀漁叟

萬壽聖節詩四疊前韻酬之

今年詩社未開惟同人唱和之作鈔成四卷較去  
春詩多數倍五疊前韻東社中同人

贈蓮衣長老退院步何丈白英原韻

伯雙部郎雨中過我小飲越日疊旄觴前韻見贈  
依韻奉答 二首

和彭漁叟閨情二首仍步原韻

昨承何丈殷殷問病卽用漁叟過訪未值原韻奉  
謝

和漁叟奉答見懷二律仍疊前韻

和劉幹臣端陽漫興原韻

二首

病後感懷寄竹溪礧溪兩家兄

三首

祝彭漁叟七十壽卽和述感七律原韻

六首

囊中琴

燈下棋

紙上書

壁間畫

和金眉生消夏雜詩原韻卻寄

四首

和陳心泉廉訪咏八老七律

八首

退補齋詩存卷十五

今體詩

永康胡鳳丹月樵

辛未元旦咏雪東白英鹿仙二公

無端淑景一番新  
匝地漫天不染塵  
集霰聲敲簷際瓦

迴風花舞畫堂春  
纔逢灞岸尋詩客  
白翁出別歲詩見示又遇陶

家啜茗人鹿翁來寓喜飲紅茶我似袁安高臥久  
誰知庭院皎如

銀

元夕次日手足復麻屢荷故人存問作此誌謝東

白英鹿仙漁帆諸公

病體依然手足麻良工何處覓醫家  
擁衾屢惹故鄉夢下顧頻勞知己車  
努力未能加健飯養心惟有學栽花  
藥爐添火經冬久枯樹回春望眼賒

讀擊鉢吟七集率賦截句六章上郭遠堂中丞

舊編讀罷又新編字字精金百鍊堅  
絕勝唐人詩萬首

霓裳同詠大羅天

自第一集至第七集  
通體皆七言絕句

擊鉢聲敲燕市北猶留餘韻到東南  
騷壇未易分高下一顆驪珠萬手探

笑嬉怒罵總稱奇妙手天成偶得之  
五十年來傳海內



言中有物物中詩

名作如林集一囊扶輪大雅仗汾陽品題聲價歸繩尺

那不臨風熱辦香

中丞自序云七集詩先擬題首  
唱郵致京華彙同衆作云云

天涯南北遞詩筒翰墨因緣付雪鴻  
七字吟成第七集  
傳鈔合倩碧紗籠

久聞擊鉢成詩速詎敢淹留緩付刊

督催手民限三日刊刻成編

卷千金宏著作等身莫作等閒看

人日懷竹溪家兄代柬卻寄

六十餘齡一長兄衙官屈宋博微名窮途莫笑黃金窄

仕路猶欣青眼明

竹莊方伯關垂最切

棠舍分甘留樹蔭琴堂佐

績聽絃聲年華易逝如流水轉瞬都看白髮生

今朝七日稱人日荏苒光陰世閱人借病真堪藏我拙

得官猶復賀君貧

家兄現署太湖典史官清如洗猶前署含山時

卽今異地同

飄梗何日西湖共采蕪試陟高岡頻眺望吳頭楚尾幸

為隣

示五弟錦齋

心田須向本根栽蔓葉繁枝急翦栽美酒須留千日飲  
好花難得十分開蹉跎馬齒居然老揮霍蚨飛不再來

我願棣華同韡韡莫教蜂蝶起疑猜

頭顱種種漸華顛擲卻光陰負壯年要識窮通都有命  
得來饘粥總由天閒居莫學嵇康懶努力當揮祖逖鞭  
異地幾經看草綠池塘春色正芊芊

和彭漁叟咏牡丹原韻

敢憑妙筆寫朝雲一顧傾城冠衆芬國色曾聞姚魏競  
天香合共馬班熏平頭富貴剛三月滿眼繁華到十分  
不惜逢人頻說項新詩傳誦到同羣

羣玉山頭玉立姿千金一刻惜芳時天然圖畫神難寫

絕妙清平醉未辭，考典不忘靈運記。  
長歌猶憶樂天詞，小園花信逢春晚。  
獨讓瑤臺錦滿枝。寓園牡丹尚未破萼

和幹臣軍門咏白牡丹黑牡丹原韻

琳瑯骨格雪肌膚，如此丰神世有無。  
梅萼含冰姿彷彿，梨花帶雨影模糊。  
鉛華洗盡胭脂色，粉筆描成富貴圖。  
自詡蛾眉原淡掃，不須綠葉共持扶。

魏紫姚黃未許同，漆園蝴蝶醉春風。  
披緇謝卻塵為障，養晦方知色是空。  
夢入甜鄉參幻相，圖摹墨本奪天工。  
詩成猶賸金壺汁，灑向瑤臺錦繡中。

和何丈白英催開詩社原韻

陽春豔曲郢中歌展誦琳瑯一再過萬丈文光追李杜

千秋詩句妙陰何新紅綴樹香如海大白浮杯醉入魔

詩社未開開佛社菩提樹下念彌陀近日為正覺寺作觀音會

士女紛紛競踏歌清明時節又經過共推水部能詩者

爭奈相如善病何謂張鹿仙願祝騷壇招健將好尋覺路辟

愁魔春來且喜吟無恙拋卻參苓與蜜陀時余久病小愈

小園藤花初開招同人小飲並索和章

雙柯屈曲似蟠蚪花好圍成七寶毬春意早兼紅杏開

午陰濃接碧梧桐

院有梧桐高與藤並

千叢錦繡圍屏幃一串牟

尼綴冤旒曾倩荆關描畫本披圖滿紙燦琳瑯

余繪有紫藤仙

館圖題者甚衆

絕勝胭脂著色鮮夭桃濃李漫爭妍地成香國春如畫

天錫嘉名館是仙紅雨亂縈牆薜荔紫雲低壓架鞦韆

年年雅集從今續醉到花間第六筵

余來鄂已經六載每遇花開邀同人

玩賞竟日

何丈白英以詩枉謝芍藥玉簪兩花之贈卽次原

韻奉和

頻年鶯燕喜同巢

丹與丈同  
主權局

送抱推襟客漫嘲金帶腰

符名相兆玉釵聲聽美人敲約開舊社詩筒遞肯負良

辰酒盞拋報道齋頭新種竹龍孫漸茁兩三梢

大寓齋  
所種新

竹已解籜矣預  
卜添孫之慶

謝同人預祝五十初度並索和章

歲月蹉跎感鬢毛宦游浪逐漢江濤身緣善病常思隱  
壯不如人敢自豪結習半生惟翰墨論交幾輩是醇醪  
服官愧乏涓埃補漫祝他時擁節旄

寵頒玉軸與瑤章慚愧樗材未敢當贈縞情逾僑札誼

摘文熏到馬班香浮萍踪跡如蛩倚流水光陰似驛忙  
待醉花間婪尾酒開筵莫道是稱觴

春杪泛舟漢陽卽景

俄雨俄風浪滿汀聲聲柔櫓隔船聽遙看鸚鵡洲邊草  
江水迴環一色青

鸚鵡洲

鶴樓東望羽衣鮮氣象崢嶸壓萬千祇有晴川堪對峙

江風吹縹蔚藍天

晴川閣

漢陽城外草繁蕪但許遙看近却無聽說當年好風景  
月湖彷彿是西湖

月湖



柳條搖曳颺春風  
羨煞江干立釣翁  
一葉扁舟人未渡  
絲絲微雨濕孤蓬

北門渡

半帆高挂夕陽紅  
來愛西風去北風  
多少舳舻緣岸鎖  
銅琶高唱大江東

龍王廟

粒食年年貴似珠  
倉箱儲蓄待時需  
皖江賈客源源至  
湘米稀來蜀米無

米廠

水迴南岸各分叉  
涇渭攸分疊浪花  
千萬風檣似林立  
年年四月權新茶

南岸

沙包曩日是平皋  
近日無端泊海艘  
世變滄桑生百感

滔滔誰挽大江濤

沙包

彭珮雙

兆珂

明府需次江南已十餘載今自白下

來鄂一宿遂行作此贈別

十四年來不見君聯牀話兩倍殷勤班荆舊憶燕臺月

咸豐戊午在京時相與訂交

傾蓋新停鄂渚雲松竹性情敦古誼芝

蘭氣味吐清芬今宵好翦西窗燭樽酒重論李杜文

等是萍飄梗泛身清風兩袖不沾塵閒雲有約同歸岫

野草無名亦自春消我牢愁詩一卷期君後會酒千巡

多情最是江城柳青眼依依送故人

和白英贈漁叟立夏後卽景原韻

擊鉢催成疊韻詩斜風細雨暮春時

近日和陳伯雙生詩十疊原韻

生

來不受炎涼慣客裏頻驚歲月馳入室那堪貧病迫望  
塵翻恨步趨遲天涯莫謂無知己願繡平原五色絲

懷竹溪家兄之病仍疊前韻

風雨同虞常棣詩花開鞞鞞憶當時別離兩地萍踪隔  
珍重千金竹報馳

昨命廉兒由陸路前往省視

共被難忘姜氏煖歸

田翻悔大蘇遲加餐願祝身無恙好買延年續命絲

和何丈白英

萬壽宮慶祝禮成感遇述懷原唱再疊前韻

呼嵩願獻九如詩愧乏涓埃答  
聖時就日未瞻仙

仗列時因病乞假臨風祇有寸心馳身隨蒲柳驚秋早夢繞

觚稜問夜遲匏繫江城游已倦漸愁攬鏡鬢添絲

白英觀察錄漁叟詩見示三疊前韻奉和卽簡漁

叟

垂簾靜坐誦公詩禪榻剛逢病起時隔院鶯聲因雨阻

日久未晤天涯雁影望風馳家兄病太湖署中日望書至酒緣戶小難成

醉花勒春寒却恨遲謂卓然子一時未能推薦一種閒愁消不盡擬

抽慧劍斷情絲

和詩甫就又讀漁叟

萬壽聖節詩四疊前韻酬之

又讀青蓮

聖節詩辭官宛似在官時瞻

天日

近恩難忘戀

闕情殷夢與馳舞蹈雖疎朝列久吟

哦猶愛夜眠遲風裁想見當年峻清比壺冰直比絲

今年詩社未開惟同人唱和之作鈔成四卷較去

春詩多數倍五疊前韻簡社中同人

今年詩較去年詩大勝香山結社時驛使須教來去疾

吟朋幸免雨風馳，停雲念舊情多感。  
夜月留人睡獨遲，料得閉門還覓句，同抽縷縷繭中絲。

贈蓮衣長老退院步何丈白英原韻

海濶天空退步安，滄桑都作等閒看。  
一枰已了殘棋劫，九轉初成寶鼎丹。  
洗鉢曾依流水活，收帆最是順風難。  
晚年好靜渾無事，不許閒雲出法壇。

蓮衣退院後移住東書樓下

伯雙部郎雨中過我小飲越日疊旌觴前韻見贈

依韻奉答

雄辯高談握麈毛，胸襟瀟灑晉山濤。  
元方雅有難兄譽，

同甫能傾一世豪，咳唾隨風霏玉屑。  
普騰和雨沁香膠，平生落拓慚駑劣。  
敢效馳驅託驥旌。

兩蘇才學見文章，低首眉山孰敢當。

君與仲耦品學同才識亦同對

酒聯吟參梅戰臨風下拜熱，心香頻窺曉鏡憐身瘦。  
怕拆詩筒和句忙，今日呼嵩逢聖節。彤階共進

萬年觴。

和彭漁叟閨情二首仍步原韻

粉閣垂簾月到遲，衣香花影夜深時。  
有心刺繡偏籠手，無意彈棋且拄頤。  
織錦空緘機上恨，落梅怕啖笛中詩。

一年春色匆匆去別有閒愁縮柳絲

一聲環珮玉珊珊獨立瑤階祇自看天迴有情留月照  
宵涼無語惱燈殘解人心事談何易入世眉痕畫最難  
願祝藁砧身早健殷勤侍婢勸加餐

昨承何丈殷殷問病卽用漁叟過訪未值原韻奉

謝

腰腳冬來更不如自春徂夏病難除談禪便欲馴龍象  
刊誤猶然校豕魚舊雨元戎排小隊

謂穎叔

清風使者枉

高車自憐藥裹終無補漫讀靈樞一卷書



和漁叟奉答見懷二律仍疊前韻

君子之交愛淡如寒暄世態早蠲除捲簾爐篆紫花鳥  
隔院鐘聲答木魚催我聯吟頻擊鉢羨君安步當乘車

公屢徒  
步枉顧  
在教人  
讀書

養生自著稀齡說不喜稱觴喜讀書

公著七十  
自壽說意

農圃生涯我不如蹉跎歲月任乘除非關戀棧同駑馬  
豈是臨淵羨巨魚座冷每懸高士榻門低偏碍故人車

頃接友人薦書  
求事者故及之

宦游廿載嗟何補且讀從前未見書

和劉幹臣端陽漫興原韻

奚童折簡遞詩忙為詠端陽到夕陽

接晚適

風俗何須

分楚漢情懷祇自傲羲皇五絲繡線翻新樣一笛梅花

送晚涼卻羨君才誰與敵頻磨盾墨埽詞場

終朝弄月又吟風詩不窮人人自窮

午日疊和數詩殊覺窮困

笑我

杜門聊守拙知君得句似成功貪看艾葉水邊綠妬煞

榴花裙底紅老眼張華差自負斗牛劍氣識雌雄

病後感懷寄竹溪礮溪兩家兄

漸覺霜華兩鬢催一官匏繫壯心灰為書債券頻磨墨

欲破愁城且舉杯竹報還期千里至梅花修到幾生來

呼僮試向風簾捲緩步階前踏綠苔

年到知非猶故我知非何敢想非非每懷欲罷將歸去  
爭奈此身與願違柳岸風寒絲欲縮竹林雨溼筍初肥  
明朝強欲開三徑私語園丁莫掩扉

明日擬力疾銷假

祝彭漁叟七十壽卽和述感七律原韻六首

龍馬精神七十齡滄桑世變憶曾經滇池遺愛垂三世

公官於滇大嗣君繼之今年令孫又官於滇

翰苑清班聚一庭

公與同祖兄弟入翰林者

三爭羨家風流厚澤須知祖德有餘馨古來八百錢鏗

壽獨讓先生紹典型

摘豔薰香溯綺年筆為鋤耒硯為田敢言蕭傅知劉向

惟有曲江識浩然

公弱冠時受知於林丈忠公

依母三遷勤問字

公幼

時太夫人教以識字

買書萬卷不論錢等身著作關名教日月星

辰照滿天

公著書宏富已刊行世者得若干種

老年好學益勤求豈為功名讀未休秋桂早經蟾窟採

春風又向鳳池游

公登道光壬辰賢書乙未成進士

筍班茁玉排鸞鷲

劍氣衝霄射斗牛共說公才非百里士元偏屈小諸侯

公由庶常散館初選順天知縣厥後揀發雲南知縣升永昌府知府乞病後奏擢陝西道加臬使銜

不許紅塵半點侵歡迎父老感難禁一心慈惠呼賢母

滿耳絃歌奏雅音  
苗格七旬欣舞羽

公守永昌時土司擾亂勦撫兼施民

賴以安

網開三面異從禽  
滇南回首循良績  
萬口碑傳直

到今

萬樹棠陰去後思  
歸來猶是美鬚眉  
滿園花鳥饒天趣

一舸琴書足自私

公構養園為藏書之所

箋擘琳琅詩旖旎  
樓吞

江漢水參差

公於養園之南建一樓可眺江漢

如公便是神仙福  
不羨

淮南拔宅時

許通詩夢到池塘  
雒誦箴言未敢忘

公示養生之法嘗以四箴見勗七

十年華猶卻杖三千珠履待升堂  
階前蘭桂延齡草

令嗣

器之觀察善於養親能博堂上歡娛

架上詩書養性方照眼榴花紅似錦

開筵同醉九霞觴

囊中琴

賞音誰是蔡中郎爨下焦桐什襲藏脫穎毛生曾共處  
無絃陶令不須張閒依螢案書千卷冷占松陰雨一牀  
清宦從來惟伴鶴他年留取壓歸裝

燈下棋

疎簾清簟雨聲聲深院何人剔短檠要使滿枰分黑白  
須從一着決輸贏箇中自有通神技局外偏勞急劫驚

耐得秋宵涼似水  
燈花敲落又重生

紙上書

書家有筆大如椽  
六草三真競學牋  
透紙魯公光日月  
臨池米老散雲煙  
龍蛇早蓄飛騰勢  
雞鶩須防好尚偏  
惟有正心能正筆  
千秋高論柳誠懸

壁間畫

四壁風生翰墨香  
盡收山水到虛堂  
無聲花鳥供吟弄  
入化煙雲付莽蒼  
靜對如逢黃子久  
卧游不碍黑甜鄉  
神龍拔宅終飛去  
未許人間什襲藏

和金眉生消夏雜詩原韻卻寄

慣讀靈樞一卷書  
朝來攬鏡髮慵梳  
琴尊落拓懷知己  
詩律推敲賴起余  
菡菡風來思淡遠  
芭蕉月上夢蕭疏  
韶光彈指愁年老  
且願知非學衛蘧

時余年四十九

南薰不熱子陵裘  
千古高風第一流  
笑我卑栖頻櫪伏  
輸君勇退早帆收  
故鄉每憶純鱸好  
何日追陪杖履游  
屈指佳期臨七夕  
小園花信報牽牛

紫藤花下寄閒身  
貪購奇書不厭貧  
未上騷壇先避舍  
頻探學海苦迷津  
閒看江漢烟雲幻  
夢想廬山面目真



夜半蛩聲喧四壁飄然秋思引歸人

鶴樓又讀謫仙詩覓紙傳鈔喚侍兒好友終無常見日

名花只愛半開時喜吟大復清新句謂何白英擬和張炎婉

媚詞

謂張  
鹿仙

風雨重陽休負約茱萸留待泛瓊卮

和陳心泉廉訪咏八老七律八首

裘馬無心羨少年蠹魚食字欲成仙韶光轉瞬已非昨  
著作等身空自憐世味飽嘗添白髮家風依舊守青氈  
冬烘頭腦君休笑時向窗前手一編老儒

回首沙場壯歲過匣中劍氣半銷磨逍遙策蹇韓忠武

矍鑠憑鞍馬伏波，矢縱三遺丹，悃在身，經百戰，箭瘢多。  
君恩如詔頻陽起，王翦何嫌兩鬢皤。老將

風塵鞅掌敢辭勞，一命榮華且濫叨。仕本為貧甘冷淡，  
考頻書下漫牢騷。耳聰差幸能聽鼓，手筆從來不弄刀。  
偏是老成諳故事，傳聞相國出功曹。老吏

星星白髮丈人行，課雨占晴力作忙。半世辛勤棕笠影，  
一生消受稻花香。雞豚社裏扶殘醉，碣磳村邊臥夕陽。  
時與隣翁同笑語，篝車比戶慶豐穰。老農

半世生涯占釣磯，春江漲鰕魚肥。扁舟澤畔自來去，

萬事人間無是非唱晚教吹新竹笛傳家高挂舊蓑衣  
涓川卻笑垂綸叟一上徵車便不歸

老漁

鐵冠欹側髮飄蕭認得秋風谷口樵古渡寒霜行腳健  
滿山明月壓肩挑爛柯石上棋千劫黃葉林中酒一瓢  
卻喜名山都識遍餐霞仙侶定相招

老樵

彌勒同龕證夙緣蒲團靜坐已忘年寒爐煨芋留殘火  
清晝垂簾颺宿煙幾閱滄桑逢客話偏持衣鉢向人傳  
記曾手種菩提樹一滴楊枝灑大千

老僧

奴星莫道命宮妨老去猶堪託紀綱腰腳還如同伴健

頭顱漸比主人蒼  
幾家門第談新眷  
往日屏風笑屢僵  
愧煞世間牛馬走  
報恩不解性炎涼  
老僕

退補齋詩存目錄

卷十六

今體詩

穎叔惠福建肉勻岐山挂麪賦此誌謝 二首

諫果二十六韻

李香洲學博出富川同聲集詩鈔見示用集中閒

興原韻奉贈 二首

題李香洲棲雲山房詩鈔仍疊前韻 二首

五十初度 四首

和子嘉廉訪見贈七律原韻二首

子嘉寄寓江陵時將旋歸作此送別仍疊前韻二首

答惺齋廣文姪以詩代柬六首

楚中端陽雜咏十首 傀儡戲四首

和漁叟七十生日自嘲詩原韻二首

曩以石首魚枇杷鮓漁叟猥蒙詩謝次韻奉答

月卿尚書和子嘉寄懷詩見示謹次原韻言志二首

壬申秋初招瑞峯上人為正覺寺住持力辭主席

以詩見贈卽步原韻代柬二首

瑞公主正覺寺仍疊前韻誌喜 二首

子箴都轉約友人謁曾文正公祠並游惜陰書院

賦詩見眎惜未同往依韻答之 二首

讀子箴二知軒近作仍疊前韻贈之 二首

京師晤別忽忽十年再疊前韻贈子箴 二首

贈瑞安孫琴西廉訪三疊前韻 二首

贈安陸彭佩雙明府四疊前韻 二首

贈秀水莊守齋觀察五疊前韻 二首

金陵雜詠 十一首

余自白下回楚彭佩雙莊守齋二君送余出關守  
候輪船同宿江干一夕賦此誌感

舟過皖城

舟過潯陽晤許星台觀察賦此話別

舟過馬當

石鐘山水淺停泊

湖口夜泊

潯陽卽景

樊口

葉家洲

葛店

青山

抵寓



退補齋詩存卷十六

今體詩

永康胡鳳丹月樵

穎叔惠福建肉勻岐山挂麩賦此誌謝

一盤堆玉屑紅似碎珊瑚味配青精美涎流皓齒酥侯  
鯖同馥郁市脯遜芳腴不忍猪肝累貪饕笑老夫  
粉色白於雪岐山千里來分明銀縷細錯訝素絲裁菜  
煮東坡鼎羹調張翰杯何須香積飯美味得重回

諫果二十六韻

果豈能知諫褒嘉取義嚴佳名忠字並小品食單添結

實煙霞錮培根雨露霑珍奇南國產顰蹙北人嫌自詡  
孤標挺曾從直道漸鏤瓊儕綠橘撒雪配紅鹽味任酸  
醜別膚還縝密覘冰霜經百鍊頭角露雙尖解渴脾先  
沁回甘舌未厭圓形通檄攬至性脫涼炎真實懷山谷  
閒情話子瞻讀書參夜室佐茗淪風簾豈碍饒涎湧休  
教苦口箝伐檀同勵節咽李笑鳴廉戒使邪蒿遠讎堪  
佞草殲鳳酥貪咀嚼魚鯁矢鍼砭玉液探喉潤金盤信  
手拈哀梨應比爽崖蜜卻輸甜制毒剛能克含香氣自  
恬精誠符栗戰辣性異薑纖願作芻蕘獻來從草莽潛

予求予取廣汝翼汝明兼美意心胸領餘芬齒頰黏轉  
園乾德合存碩剝爻占虛白芳籠袖披丹  
上賜練

臨軒懸鐸待颺拜百工簽

李香洲學博出富川同聲集詩鈔見示用集中間

興原韻奉贈

閒於老鶴靜於僧  
漱侶騷壇許共登  
千里往還惟翰墨  
深宵酬答一寒燈  
江湖去雁三秋遠  
風雨鳴雞百感增  
自古髯蘇工疊唱  
而今韻事又重興

咳唾生風響不沈  
同聲何幸許同心

余在皖鄂刻同聲集三十三卷  
客

中踪跡鴻留爪林下風流鶴在陰一顆驪珠探萬手三  
秋蛩語答長吟樓頭聽譜梅花笛好約青蓮載酒臨

題李香洲樓雲山房詩鈔仍疊前韻

浮生我是打包僧敢向蓮臺躡屨登閱世愁添雙鬢雪  
讀書悔負十年燈才華司馬雄無敵意氣元龍老更增  
莫謂廣文官獨冷承平雅頌際

中興

一聲清磬夕陽沈洗卻塵凡物外心室有芝蘭承舊澤

門多桃李樹新陰

詰詞現官  
德郡司訓

暮雲北塞蚺蝓遠秋雨西

堂蟋蟀吟靦面匆匆旋話別漢江何日約重臨

五十初度 并引

韶光駒過無計扳留老態龍鍾漸形疲羸十八  
年燕雲楚雨輒用驚心三千里榆社梓鄉何堪  
回首舊學則荒蕪日甚從官則建樹全無作江  
湖之散人身將隱矣悅親戚之情話歸去來兮  
茲屈始滿之辰愧值無聞之歲率成俚句聊當  
引隍敬冀斧斯曷勝榮感

歲月蹉跎五十春塵緣未了問前因詒謀詎敢忘安定  
守邱焉能做買臣卧尚枕戈思起舞歌雖彈缺不嫌貧

未知初服何時遂常作康衢擊壤民

我來鄂渚七春秋萍梗依然水上浮皓月臨江知浪靜

閒雲出岫任天留

丙寅由候選道來鄂接辦綜理釐局已留楚

祇愁鉛槧迷

魚豕未任馳驅愧馬牛

辛未秋交卸釐務仍督辦崇文書局

屈指無聞今

漸老三年蓄艾病奚瘳

今日知非已覺遲夕陽頻見樹陰移

舊句

搜羅書畫藏千

卷準擬園林樂四時為愛延賓常釀酒無多好語卻耽

詩生涯冷淡材樗散底事來侵鬢上絲

頭銜早署信天翁夷險忘懷萬念空閱盡炎涼知世態

漫云憂樂與民同，熱腸翻覺心多累。  
聰聽何如耳學聾，分付妻孥休問歲。  
年年試看露桃紅。

和子嘉廉訪見贈七律原韻

苔岑契合竟忘年，海論交意邈綿。  
好景易過花月夜，故人難得雨風天。

余居與君僅隔一巷，每日過從，風雨無阻。  
詩詞雅似蘇同

叔

君生平最重坡公所

作詩詞亦如之。畫本工於趙孟堅

趙子固善水墨白描，君畫亦不

喜着色

我亦聞雞思起舞，着鞭輒讓祖生先。

蓬瀛縹緲隔烟寰，憶否翱翔紫禁間。  
樹種滇南棠

蔽芾

官雲南鹽法道六載，士民感之。

雲歸江上水，迴環君如仲舉常留。

榻我學橫渠且訂頑多少蒼生望霖雨斯人未許臥東山

子嘉寄寓江陵時將旋歸作此送別仍疊前韻

洲前芳草綠年年風雨愁人未脫綿

時屬暮春陰雨連日

萬里歸

來雲鶴伴

令兄漁叟先由池西歸田

連宵話到曙雞天

每晚深夜談自

慚蒲柳衰姿見卻羨松筠晚節堅老驥無須嗟伏櫪駕

駘十駕敢爭先

真隱何須謝宇寰卧游山水畫圖間

近日求書畫者竟似山陰道上君善

繪蘭竹惟山水尤貴雪泥祇勝鴻雙爪

為余題古名人墨跡

杯影難留月半



環歸期定於月杪得此良朋真直諒無多知己更踈頑送君擬學依依柳一路青過大別山

答惺齋

播中

廣文姪以詩代東

時官奉順學教諭

自恨年時馬齒增浮生虛度百無能邇來問我忙何事半作閒官半作僧

近日為正覺寺初開叢林

宦海茫茫水易波人生行樂問如何浪夸富貴饒滋味墮入紅塵總着魔

明月清風不用錢聊將仕隱傲神仙今年縱比去年好手足依然病未痊

桃花谿畔樹千叢  
猶記花開夾岸紅  
我欲南歸閒把釣  
此生長伴老漁翁

霜痕漸漸上人頭  
虛度光陰五十秋  
宦味遍嘗偏愛淡  
一盤首蓿勝珍饈

千里迢迢鴻雁疎  
萬金難買一封書  
行人臨發言難盡  
信口吟詩寫尾餘

楚中端陽雜咏

萍踪飄泊戀他鄉  
回首家山道阻長  
我欲思歸歸未得  
江城匏繫七端陽

頻年此地看龍舟金鼓喧闐鬧不休  
恰笑泥龍行地上無心競渡泛江頭

家家遍貼赤靈符道士忙書紙上朱  
聽說使君能辟癘果然威震鬼方無

面目居然縛草為將軍恰似虎頭癡  
誰知靈藥堪醫世藏器三年且待時

菖蒲生長水雲鄉無數魚依綠葉旁  
小草休言無用處懸門也許引年長

為人壓線更加工刺繡年年課女紅  
五色休誇花似錦

清香盡在一囊中

入時新樣製齊紈  
倏忽風生解合歡  
問到前身圓似月  
比來郎面更團圓

自愛香羅着體輕  
皚如雪白太分明  
葛衫爭學黃塵色  
多少工夫織得成

一樽美酒泛雄黃  
家宴團圓喜共嘗  
笑看妻孥盡沈醉  
祇儂醒眼獨清狂

欲求益智豈無方  
黍米和酥製最良  
更把層層菰葉裹  
莫教圭角露鋒鋟

傀儡戲

不唱吳歎唱楚歌清音嘹亮舞婆娑  
人生本是戲中戲  
請看登場傀儡多

隨身竿木慣逢場別有機心妙主張  
終日勞勞緣底事  
為人作嫁一生忙

矮小身材備五官居然博帶又裁冠  
莫嫌木偶終無用  
座上人應作是觀

生來足不踏塵寰槁木形骸似我頑  
客散酒闌高閣束  
此身贏得是清閒

詩林卷之二十一 藏板

和漁叟七十生日自嘲詩原韻

氣味芝蘭忝最親，躋堂大半是同人。  
扶持撰杖鳩偕祝，歡笑垂簾燕不嗔。  
四壁琳琅羅鉅製，滿床牙笏集嘉賓。  
古來七十稱稀少，南極星明拱北辰。

忘年有序敢言文，幸不人云我亦云。  
聽說霓裳天上奏，

可容絲竹後堂聞。  
華堂演劇未得躬聆故戲及之論交曾許心相印，避

客何嫌手暫分。始悟閉門緣覓句，傳來健筆壓淵雲。

曩以石首魚杞鮓漁叟猥蒙詩謝次韻奉答

尋常投贈報琪瑰。  
曾子固有字宇頌琪瑰之句恰好新詩帶雨來，沁

齒應同梅子熟烹鮮已過棟花開曾聞定海魚為市

石首

魚來自定海

苦憶吳山錦作堆

枇杷自洞庭山來

歸興忽因佳什勳

唵成隔院暮鐘催

月卿尚書和子嘉寄懷詩見示謹次原韻言志

欲從宦海泛歸槎壯志消磨髮已華幸遇元亭容問字

拙作屢承指示

擬隨靖節學栽花

公歸後新修復園日以栽花為樂

澆殘魂

樽中酒寫盡離愁夢裏家悟徹秋聲鳴萬籟莊生有論

似污注

難忘馬磨許文休底事囊空漢上游籬菊未開能耐晚

庭梧易老早傷秋無多知己盟鷗鷺懶為兒孫效馬牛  
邇日風高江浪急片帆我欲及時收

壬申秋初招瑞峯上人為正覺寺住持力辭主席  
以詩見贈即步原韻代東

遠離塵世自然安請向沙門仔細看璞玉不雕終是石  
精金待煉始成丹功虧一篔為山易

正覺寺殿宇齊修未成功者山門及

天王殿

數處竹種千竿問主難倘戀幽居娛暮齒憑誰與我

護香壇

紫霞寄住一身安

瑞公住紫霞觀有年

打破名心放眼看暗裏乾



坤誰轉磨空中樓閣已流丹  
正覺寺毫無產業余頻抽重修之皆募化而成  
野筍偏爭長欲種菩提却是難  
我勸遠公出巖岫羣寮  
引領望登壇

瑞公主正覺寺仍疊前韻誌喜

夙仰彌天釋道安飛來錫杖大家看  
閒雲襟抱如澄水  
滿月容顏勝渥丹閱世太深憂世切  
談禪容易悟禪難  
憑君廣說無生法花雨從今落石壇

祇園有主寸心安石上三生為我看  
但許常依彌勒座  
何須遠覓葛仙丹詩逢齊己吟懷合  
馬遇支公駿骨難

且喜迷津資導引同參玉版證經壇

子箴都轉約友人謁曾文正公祠並游惜陰書院  
賦詩見眎惜未同往依韻答之

恩賚非常寵崇祠氣象閑鷓鴣容列隊猿鶴漫相迎

是日

同往者皆江南司道

房杜隆師傳機雲好弟兄

公之四弟殉難江南已入昭忠祠

千秋留偉業碩輔邁阿衡

未攬鍾山勝江波夕照春門牆容托足經籍早羅胸

謂薛

應農山長

刊謬燒殘燭敲詩倚短筇河汾尊講席桃李滿城

濃

讀子箴二知軒近作仍疊前韻贈之

登堂窺峻宇氣概自魁闔詎料元龍度偏勞野鶴迎二  
知風以雅四海弟兼兄布鼓猶喑啞雷門敢抗衡  
好語千金鑄靈丹萬杵舂匡廬留面目江海拓心胸每  
醉青蓮酒時攜玉局筇騷壇真健將吟興老猶濃

京師晤別忽忽十年再疊前韻贈子箴並述鄙懷  
不親黃叔度誰識海天闊入座謙光挹逢人善氣迎無  
緣休說佛有石且呼兄竊願依喬木庸材不自衡

回憶桃溪勝門前水自舂

余家居永康桃溪

萍浮難挿脚茅塞

已盈胸厭聽官衙鼓將扶野老筇揚州明月上照向楚天濃

贈瑞安孫琴西衣言廉訪三疊前韻

剔盡魚鹽弊持綱答九閩持躬還質樸處世絕逢

迎徐孺忘賓主蘇髯有弟兄令弟渠田學士十年未晤調梅膺

帝簡三接握鈞衡由江南鹽道新授安徽臬司

瘦鶴憐多病聲聞藥杵春日昨借遊莫愁湖因風感冒服發散藥始愈寒涼

風刺骨礪磊酒澆胸北上君迎詔南歸我曳筇君將

赴都甘棠留白下蔽芾蔭方濃陸見

贈安陸彭佩雙

兆珂

明府四疊前韻

廿載吳中吏名齊洛下閔樽開名士滿鶴向故人迎燕

翼詒孫子

今春喪子僅留一孫

鴿原幾弟兄

在京同盟者五人袁笱陔周東珊張韻泉

皆歸道山今存者惟余與佩雙耳

青雲須努力期爾到台衡

寓館隣甘露鐘聲夜半春

佩雙寓狀元境與甘露庵相近

浮沈原有命

芥蒂莫留胸贈乏千金劍歸攜七尺筇憐余真拙宦鄉

思夢方濃

贈秀水莊守齋

祖基

觀察五疊前韻

魚鹽隱膠鬲事業邁顛闕

前官江西知縣今擢道員總理鹽旗事務

不遂鷺

鵷隊欣逢猿鶴迎君誠三益友我愧十年兄

君年四十五  
余今已五

十始結苔岑契樓遲喜望衡

楚吳千里隔一水浪濤春舊雨來今日層雲盪此胸重  
逢難判袂未老試銘節莫戀他鄉好純鱸味更濃

金陵雜咏

儀鳳山南水倒流乘潮日日泛輕舟菰蘆滿載城中去  
祇怕西風急打頭

旱西門裏幾人家鴉鵲無聲夕照斜滿眼荆榛迷瓦礫  
行人莫辨路三义

鐘阜崔嵬未一登遙看寒翠疊峻嶒無多木葉蕭蕭下  
山外人家雲半層

孝陵鬱鬱峙佳城銅狄摩挲沒棘荆荒土一坏憐寂寞  
玉魚金盃杳無聲

劫餘何幸樹成林枝幹蕭森萬籟沈脫去塵容留妙相

一僧荷笠卧松陰妙相庵在北山之南古木數十株巋然獨存

清涼石上月黃昏劫後殘灰掩白門河水有聲聽嗚咽  
寒風淒斷美人魂

楊枝一滴露流甘佛國欣逢大亂戡甘露庵向為合肥相國未第時寓廬

兵燹遭毀相國重修  
並題額以誌緣起

二十年前無客到而今豔說李家

庵

淺水停篙草滿汀無多玉樹嘆凋零沿河間聽琵琶曲  
不是當年金縷屏

平蕪何處認隨園遺址荒涼今尚存七百梅花留一樹  
暗香疎影總銷魂

烏衣巷口卧斜陽華屋都成瓦礫場王謝堂前何處是  
更無燕語話淒涼

淮清橋畔綠盈渠漫把青竿立釣魚縱有流鶯歌百轉



六朝金粉賸邱墟

鈞魚巷在鹽道署東

余自白下回楚彭佩雙莊守齋二君送余出關守

候輪船同宿江干一夕賦此誌感

儀鳳城南夕照曛江干話別悵離羣無端重憶樓頭鶴  
有約同歸岫裏雲對酒捫胸澆魄礪臨歧握手語殷勤  
雷陳風誼今餘幾如此交情到十分

舟過皖城

七年不到皖公山廬舍依然郭外環塔頂浮雲纔過眼  
城中舊雨未瞻顏

謂裕壽山王與軒諸公

牢愁每為聞雞起高蹈

何如野鶴閒

謂李季  
荃觀察

翻恨輪舟行太急須臾又過集賢

關

舟過潯陽晤許星台

應鏐

觀察賦此話別

憶別春明十七年萍踪南北判雲天我如飛鳥還知倦  
君似騰驤猛着鞭縱有尺書敦夙好何如一面訂前緣  
潯陽江上匆匆別楓葉蘆花思渺然

舟過馬當

上水無風費主張江神相助片帆揚子安倘使乘洋泊  
頃刻工夫過馬當

石鐘山水淺停泊

千里安能一日期石鐘山下水遲遲不愁深處偏愁淺  
夜半停輪月上時

湖口夜泊

連日東南風怒號長江水淺不盈篙隆冬將盡天無雪  
起視蒼穹明月高

潯陽卽景

霜林掩映色蒼茫愁絕寒風客夢長卧聽琵琶彈未已  
水聲嗚咽和淒涼

樊口

輕舟不覺過樊山  
紅樹扶疎夕照殷  
欲倩黃濡畫筆  
暮雲深處寫煙鬟

葉家洲

竹籬茅舍幾人家  
無數閒鷗踏淺沙  
忽聽牧童牛背笛  
聲聲吹出夕陽斜

葛店

飛仙昔日鍊金丹  
手把青芝曬藥壇  
借問葛公何處去  
獨留風月對平灘

青山

風斜雨細聽漁歌千古清風溯志和半世生涯雲水無  
傳家可有舊青蓑

抵寓

千里歸來倍有情雙雙稚子候門迎忙呼姊妹齊聲問  
一日輪船走幾程

自跋

余少從張西潭師游初學韻語興之所至不求甚工以未窺古人門闕為憾逮弱冠後之杭之蘇之齊之燕復由燕而皖而鄂南船北馬漸成老蒼其間離別之戚聚會之樂與夫目擊時艱身世蒼茫之感往往馳騁烟墨藉據鄙懷以故敝帚之享居然成編共存詩七百餘首思有以刪訂之而未遑也同治戊辰晤監利王子壽比部出稿就正僅刪咏物詩十餘首陳心泉廉訪庚午來鄂又刪去雜感詩三十餘首今年夏林穎叔方伯自秦

中奉諱回閩過鄂小住相得甚懽因檢舊稿求為訂定  
穎叔竭數日之力朱勒墨乙沙汰過半益以近作三百  
三十一首共存詩七百餘首豈穎叔之與王子陳子嗜  
好有不同歟抑穎叔獨肯直言有異於王子陳子歟余  
足跡半天下遇文人學士無不折節相交以冀獲事賢  
友仁之益然欲如穎叔之多聞而兼直諒示我矩矱而  
範我馳驅戛戛乎百不一見焉今乃邂逅得之何其幸  
歟雖然瓦缶之音不登清廟樗櫟之質難成棟梁穎叔  
之愛我深矣顧自今以往恐余之有負於穎叔者終未

能登古作者之堂以勉副所望也余滋愧矣同治十二年癸酉二月退補齋主人月樵自跋

昔唐楊綰為文不輕示人而魏丁敬禮嘗求人定其文夫不輕示人者自信其文者也求定其文者自疑其文者也月樵為詩一就正於子壽再就正於心泉猶未能信而必質疑於穎叔且以朱勒墨乙沙汰過半為獨得直諒之友月樵之勇於自修如此其進豈有諒乎吁足畏矣

何國琛

月樵詩皆可傳余為刪存祇此數以古人之傳待月



樵也月樵不余妄而意彌恭多聞余何敢直諒則願  
以共勉自古人多堅於自信如月樵者卽求諸古人  
何可多得况所詣已造於古人耶

林壽圖

穎叔之直諒不易得而君之虛心尤不易得也惟善  
人能受善言學問經濟皆必如是而後成論詩其小  
焉者也月樵勉乎哉月樵不可及矣

彭崧毓